

J. J.
DISSERTATIO MEDICA
INAUGURALIS

De

ATROPHIA

Quam

Divino Annuente Numine

ex

DECRETO atq; CONSENSU

GRATIOSISSIMI

ORDINIS MACHAONII

ALTDORFFINI

PRO LICENTIA

Summos in MEDICINA HONORES

atq; PRIVILEGIA DOCTORALIA

acqvirendi

Publico Philiatorum Examine

submittet

Ipsis Calendis Decembr. A. E. C. MDCCLXXXIV.

ALBERTUS ANTHONIUS *Söffing*

Rudolst. Thuring.

ALTDORFF,

Literis HENRICI MEYER, Universit. Typographi.



I. N. S. S. T. A.

PROOEMIUM.

Nullam esse partium, quæ nutritione non indigeat, & proinde alimentum expetat, quisq; videt, & Tyresia cæcior, quisq; sentit, & Glauco stupidior. Hinc ipse Princeps Philosophiæ Aristoteles Lib. I. de generatione & corruptione cap. 5. *verè jamdudum scripsit*: τρέφεται (ζῶον) ἕως αὖ σῶζεται. Nutritur (*animal*) quamdiu vivit. τροφῇ γὰρ μὴ λαμβάνοντα καὶ τὰ φυτὰ καὶ τὰ ζῶα φθείρεται, ubi enim alimentum non recipiunt tam animalia, quam plantæ, interire solent, *eodem teste* Lib. de longit. & brevit. vitæ cap. 5. *siquidem juxta* Lucretium

Omnia debet - - cibis integrare novando.

Hinc non aliud mehercule futurum esset corpus humanum nutritione destitutum, quàm vi-

vum quasi Sceleton, ubi tabida cutis vix ossa
obtegit, & postquam

Exarueret testæ ad instar coctilis

defecta membra viribus,

Rigens adhæret lingua ficcis faucibus.

Quamdiu igitur vitali luminis aurâ fruitur
homo, nutritione indiget, & sanus merito di-
ci debet, qui bene ingerit, digerit, atq; egerit,
ut eapropter quisque si contraria sibi evenire
sentiat, vel morbum, vel mortem ipsam in
propinquo esse, observare poterit. Atrophiam
ergo pessimum hominis hostem dicere licebit,
quæ nutritione deperditâ, multiplices ei insidias
struit, donec Charonti naulum persolvere co-
gat. Jam verò debellando isti hosti ingenii vi-
res opponere lubet, postquam ex Decreto atq;
Consensu GRATIOSISSIMÆ FACULTATIS
MEDICÆ ALTDORFFINÆ mihi licentia
concessa est, ipsum in Disputatione præsentè in-
augurali ad publicum producendi certamen.
Faxit Supremus rerum omnium Arbiter, ut
hoc meum propositum mihi vertat feliciter!



THESIS I.

Galenus alter Medicinæ Princeps, & iudice Dempstero, Medicorum ex primo primus, scitè non minus quàm verè II. M. M. 2. docuit, nomen esse notam rei, & per ejus cognitionem in hujus scientiam nos provehi.

TH. II.

Tanti ergò Doctòris doctrinam secuturus ego, in-præsentiarum primum affectûs præfixi nomen proferam, quod origine quidem Græcum, à Medicis tamen in latinam civitatem receptum, ab α privativo *Non*, & *τρέφω nutritio*, derivari, sicque nutritionis nullitatem designare, in propatulo est. Atrophia quippe correpti nullâ fere gaudent nutritione, sed partes eorum ac corpora indies absumuntur, & adeo extenuantur, ut præter ossa ac cutem parum carnis & pinguedinis remaneat. Aliàs morbosa hæc afflictio Macilentia, macor, macies morbosa dicitur; *Paracelsus* aridura; *Celsus lib. 3. cap. 22.* Tabes; aliis Tabes dorsalis, febris hæctica, & quandoque phthisis nuncupatur; quæ posteriora nomina licet specia-liorem habeant, propriè & strictè sumta, significationem, generatim tamen sub atrophiae titulo comprehendi possunt; pariter uti *Hippocrati Lib. I. Epidem. Φθιώδεις* dicuntur, absque particulari pulmonis vitio consumti, Germ. das Abnehmen am Leibe/ die Derre/ das Schwinden nominatur.)

TH. III.

Detracto nominis involucro, ut propiùs pateat atrophiae essentia, eam definiemus: quòd sit totius corporis defectio, extenuatio, ac exsiccatio, ob deficientem vel sublatam succi nutritii assimilationem introducta.

TH. IV.

Generis loco posuimus defectionem, seu extenuationem, ac exsiccationem corporis, ejusdemque partium, tanquam symptoma primum, actionem sc. læsam imminutam vel abolitam nutritionis, id quod ipse aspectus manifeste satis comprobat. Atrophia enim laborantes adeo extenuantur & concidunt, ut, omni ferme absumtâ carne, nil nisi cutis ac ossa conspiciantur.

TH. V.

Subiectum hujus morbi diximus esse universum corpus, ratione præcipue partium mollium, pinguedinis & carnis. Partes equidem solidæ, dum pariter ac molles ex alimentis capiunt incrementum, huic morbo quoque obnoxie sunt, exsiccantur enim, sicque auctione ulteriori privantur, non tamen ita imminui possunt, ut decrementum sensibus tam manifestum fiat. Quare in latitudine sive crassitie saltem decrescit & absumitur corpus, longitudine illius nihilominus manente integra, quæ, decresciente crassitie, quasi aucta esse videtur. Partes siquidem carnosæ, cum ulteriori, ut sustententur, nutrimento opus continuò habeant, facilius, si hoc defecerit, propter mollitiem absumi possunt; duriores verò, ut ossa, cartilagines, minimè vel non apparenter decrescunt, dum ob duritiem stabiles ac firmæ manent, nec uti partes carnosæ, similesque molles aut fluidæ, tam largo egent nutrimento, sed paucis sunt contentæ.

TH. VI.

Interea probabile videtur, non solum in atrophia partes corporis molles & sano sensu solidas affici, sed & ipsos quoque spiritus tam vitales, quam animales hinc detrimentum perpeti. Hi enim dum propter alimenti de-

defectum vix inveniunt, quod in pabulum suum convertant, fiunt languidiores, ac torpidi, adque actiones exercendas minus idonei, id quod ex decumbentium imbecillitate perspicue satis elucet.

TH. VII.

Ad Causas nunc progredimur, & primò quidem immediatam sive proximam, quam statuimus esse deficientem succi nutriticii assimilationem, quæ frustratam nutritionem comitem habet individuum, pessimis hinc hominis existentibus rebus. Quemadmodum enim nutritio ad esse hominis, sicq; ad individui conservationem spectat, ceu eleganter *Xenophon lib. 2. memorab.* dicit: ἡ τροφή ἐστιν ἀρχή, ἔσθ' ἂν καὶ ζῶν γ' αὖτις μὴ τροφέοιτο. *Nutrimētum est principium, neque enim quis vixerit; si non nutriatur.* Sic deperdita hac ipsa corpus emaciatum ac contabescens tandem evadit cadaverosum.

TH. IIX.

Interea deficit chyli vel succi nutriticii assimilatio: I. quando is redditur corpori ejusque partibus his vel illis refarciendis ineptus, dum à dulci sua subpingui & balsamicâ naturâ alienatus, in salsam, lixiviale, muriaticam, acidam &c. degenerat. Utile enim ac corpori amicum illud censemus esse nutrimentum, quod omni qualitatis heterogeneæ expers est, adeoque blandum, mite, substantiâ γλιχρὸν seu lentescens, apponi aptum, omnibus partibus æque commune, quodque in universo corpore partibus omnibus accedere possit, ceu *Excell. D. D. Wedelius in Physiol. p. 97.* egregie differit. II. Quando chylus, vel succus nutriticius non in debita quantitate producitur, dum scil. justa ciborum assumendorum copia non recte observatur, ceu in ἀνορεξία ciborumque fastidio &c. accidit, sic etiam ex inedia corpus contabescit.

feit. III. Quando alimenta, etiamsi assumantur in justa quantitate, planè tamen cruda aut nimis cocta è ventriculo transmittuntur, ut hinc propter nimiam cruditatem aut lentorem chyli meatus obstruantur, ac denegato consequenter nutrimenti transitu necessariò membra neectare suo rorido priventur; sicque adiposæ, carnosæ, dein tendinosæ, ligamentosæ & membranossæ partes alimentari destituantur madore, tum, accedente simul acrimonia sanguinis, exsiccentur corrugentur ac imminuantur. IV. Quando succus nutritivus partibus destinatus aliorum abripitur, amandatur & absumitur, id quod haud rarò in nimio mensium fluxu, sudationibus ac purgationibus nimis, coitu sæpe sæpius repetito &c. accidere solet, quales evacuationes nimias extenuationem ac maciem contabescientiamque sequi, experientia docuit. V. Quando succus nutritivus ab *Δε* nostro vitali heluone voracissimo, uti à *Charleton. in Oecon. animali* appellatur, omnis absumitur. VI. Quando Chylus propter associatas aut ex sanguine, aut visceribus, particulas acres, purulentas, acidas, viscosas &c. adulteratur, & assimilationi ineptus redditur. VII. Quando Spirituum animalium influxus, ad chyli assimilationem tanquam certum fermentum concurrens, denegatur, aut prava diatesi præditus est. VIII. Quando partes ob vitiosam dispositionem chylum suscipere nequeunt, aut susceptum mox amittunt, propter vermiculos absumentes, aut colliquationem &c.

TH. IX.

Causæ ergo antecedentis in nostro affectu rationem habent ea omnia, quæ chyli laudabilis vel elaborationem, vel distributionem, vel assimilationem impediunt, remo-

remorantur ac tollunt; five partes, strictè ita dictæ, fuerint solidæ, five fluidæ, uti humores & spiritus.

TH. X.

Cum his verò concurrunt in producendâ atrophîâ causæ aliæ tum naturales, tum nonnaturaes communiter procatarcticæ dictæ, tum præternaturales.

TH. XI.

Inter Naturales Temperamentum hîc accusandum venit calidum & siccum; hoc enim, teste *Galeno de diff. febb. cap. 9.* plus ad tabem ac atrophiam inclinât, quàm frigidum & humidum. Ratione sexus verò & ætatis rarò observatur discrimen, quum tam mares quam fœminæ, infantes, juvenes, & senes hoc affectu corripî videamus. Dantur tamen ejusdem certæ species; atrophia enim alia pueris communis est, quam à solis vermibus provenire sibi vulgus persuadet, alia senibus marasmo obnoxiiis, familiaris habetur. Interea hæreditaria dispositio huc etiam multum facit, quatenus infantes succo nutricao matris vitiato, scorbutico, acri, & impuri enutriti, similem suo sanguini & humoribus circulantibus labem contrahunt.

TH. XII.

Inter causas procatarcticas nonnaturaes maximum conferre symbolum solet aër siccus nimis atq; æstivus. Hic enim sulphureas, promptiusque inflammabiles sanguinis particulas, citò nimis, quàmq; par est, copiosius inflamat, accenditque: eoq; nomine sanguinem primo ipsum, denique universum corpus calefacit, dissolvit, liquat, attenuat, hujusq; substantiam (absumpto dissipatoque, quo singulæ partes continuo instaurari ac refici desiderant, nectare nutricao) sensim exhaurit, & si diutius

perseveraverit, fenium mortemq; præpropere accersit,
uti egregiè declarat *Charleton. Exercit. Pathologic. V.*

TH. XIII.

Porro cibi & potus peccantes affectui huic nostro
ansam præbere possunt; qualis enim cibus, talis chy-
lus, qualis chylus, talis sanguis, qualis sanguis, talis vi-
talitas, loquor verbis *VI R I Nobiliss. Ampliss. Experientiss.*
atq; Excellentissimi DN. MAURIC. HOFFMANNI, Senioris,
Med. D. & in incluta hac Universitate Altdorff. Profess. Primar.
Sereniss. ac Potentiss. Elect. & Marchionum Brandenb. Archia-
tri celeberrimi, DN. Patroni, Præceptoris, studiorumq; meo-
rum Promotoris ætatem devenerandi. Peccare autem hic pos-
sunt cibi quantitate, qualitate, & tempore. Quantitate, &
quidem vel nimia; unde fermentum ventriculi in opere
chyloseos deficere necessum est, & cum assumpta non ex-
actè fermentando resolvantur atque attenuentur, succus
nutricius crudus gignitur, adeò, ut ad partes nutriendas
delatus, non illis assimiletur, sed ceu ingratus & noxius re-
jiciatur; vel deficiente, quam ob nutrimento defrauda-
tæ partes contabescunt, & denegato pabulo à calore no-
stro colliquantur. Qualitate, quando e. g. sale multò
sunt conditi; notum enim est, sal commune immodi-
cè assumtum acrimoniam suam omnem absumere pin-
guedinem, corporisq; crassitiem solvere, ac magnam
feri partem per diuresin educere, ut tandem macilentia,
ipsaque atrophia succedat. Vinum præterea similesq;
potus calefacientes, ut & aromata aliaq; sulphurea lar-
giùs assumpta, dum calorem accendunt, utile plus hu-
midi absumat, macilentiam quoque introducere pos-
sunt. Tempore, quando consuetum non observa-
tur, vel non expectatà concoctione absolutà cibi in-
truduntur ventriculo; hinc *Hippocrates de victu acutorum*

XV. 3. His, qui bis in die cibum sumunt, ait, & his, qui semel, repentina mutationes noxas ac aegritudines inducunt. Et Avicenna Lib. I. Fen. 3. doct. 2. cap. 7. Nihil est, in corpore deterius, quam nutriendum super nutriendum, quod non est digestum, mittere.

TH. XIV.

Adhæc in censu rerum non-naturalium ad atrophiam corpus deducere valet motus nimius & vehementior, qui, præterquam quòd spiritus dissipet, balsamicam musculorum ligamentorum ac articulorum humiditatem absumendo exsiccat, membrorumque robur exhaurit. Cum quo paria faciunt vigiliæ nimiae, quæ acrimoniam sanguini & succo nutricao inducunt, sicque alimentorum coctionem, & assimilationem impediunt, & palam est, quod

Attenuent juvenum vigilata corpora noctes.

TH. XV.

Inter animi pathemata mœror ac tristitia assidua atrophiae januam pandit, dum acidum p. n. in sanguine & humoribus uberius provenire facit, quod succum alimentarem & corrumpit & depascitur; hinc *Proverbior. cap. XVII. v. 22. Animus gaudens ætatem floridam facere, spiritus autem tristis exsiccare ossa dicitur.*

TH. XVI.

Excretorum tandem immodicas & repentinas evacuationes, jamdum supra innuimus, in affectus nostri productione morbificum conferre symbolum, quemadmodum easdem in universum malas *Hippocrates Sect. 1. Aph. 3. pronunciavit.*

TH. XVII.

Ex præter naturalibus causis omnes hîc concurrunt illi affectus, in quibus chyli distributio & assimilatio im-

peditur, aut chylus pervertitur aut absumitur, item ubi M. S. nimis solvitur, aut insignis chyli, feri & spirituum copia absumitur, id quod e.g. in febribus, cujuscunq; fere sint generis, accidere solet; per excitatam enim in his præternaturalem sanguinis fermentationem, plus de mole corporis absumitur, quam reponitur, unde habitus concidentia præsto est. Idem detrimentum scorbuto supervenire Cl. Charleton. in lib. sing. de Scorbuto, p. m. 249. scribit, has addens rationes: quoniam succus nutritivus, ita in itinere suo, per viarum, quas libere debuit pertransire, obstructions, intercipiatur, ut nutriendis partibus non possit accedere; vel quod idem, etiam si itineris metam assequatur, conceptæ tamen falsæ acido-ritatis eximiæ ratione, adeò vitiosus existat, ut partibus neutiquam inserviat reficiendis. In infantibus plerumque à comedonibus, crinonibus sive dracunculis, quos Germ. die Mist-Esser vocant, atrophiam oboritur; quorum causa est impedita transpiratio, & inde foeta feri stagnatio & corruptio; hinc quoque nutritio deperditur, & infantes instar ligni marcescunt. Dein vulnera sæpè inferunt atrophiam, uti de membris post vulnus tabescentibus testatur Montanus Conf. 384. f. 975. Similiter nervi puncturæ brachii atrophiam supervenisse Charleton. Oecon. animal. X. §. 3. testatur. Aliquando etiam macilentia aliqua in sanis se offert, ut in illis, qui victu necessario destituti, vel laboribus & curis attriti, plus minusve consumuntur, vel ob senium decrepiti præfertim facti, macilenti, vel etiam sicci & aridi omnino fiunt.

TH. XIX.

Ex quibus patet, varias Atrophie, ratione causarum, & subjecti, esse differentias; quibus plures adjicere facile licebit. Nempe enim Atrophia alia sola, alia aliis stipa-

stipata morbis irrepit, quemadmodum e. g. frequenter cum hydrope conjuncta esse solet, ubi venter & pedes quidem intumescunt, reliquæ tamen superiores corporis partes extenuantur, nonnunquam & penitus contabescunt, corpusque ex parte supra modum tumidum & ex parte consumtum evadens miserrimum aspectum præbet. Neque silentio hic prætereunda erit atrophica sive macies à fascino Germ. Wenn die Kinder beschrien werden; quam sicuti in Disput. Inaugurali Jenæ Anno 1667. habita eruditè declaravit Excell. Ehrenfrid. Hagendornius; ita nemo facile in dubium vocabit, qui morborum à fascino certitudinem Autoribus, à Timæo in Lib. VII. Casuum Medicinalium cas. XXIV. p. 322. allegatis, confirmantibus fidem habuerit.

TH. XIX.

Perspectis causis atque differentiis ad signa hujus affectus progredimur, & quidem diagnostica. Confirmata ergò partium totius corporis atrophica non solum ex facie illa cadaverosa, quam Hippocrates Lib. I. prognost. 3. describit, ac ideò Hippocratica audit, satis patet, ubi nimirum nares acutæ, oculi concavi, tempora collapsa, auriculæ frigida & contractæ, aurium lobi inversi, cutis circa frontem dura & arida, color totius faciei pallidus aut niger, aut lividus, aut plumbeus; sed præterea etiam ex summâ totius corporis extenuatione præsens esse cognoscitur. Præterea à labiis aridis dentes denudati relinquuntur, nisi in viris barba profusa eosdem obtegat & occultet: In thorace costæ omnes fiunt prominulae, ut cartilago xiphoides nonnunquam curvata cernatur: Scapulæ etiam alarum instar, & claviculæ veluti arcus, sub quo profunda fovea, procul à thorace sese exserunt. In dorso vertebræ spinæq; admodum patent. Venter

verò collapsus & velut inanis, nisi hydrops superveniens eum in tumorem attollat, se offert. Collum attenuatum cernitur, & proin longius, admodumque inæquale, dum cartilago laryngis scutiformis, pomi Adami ludibrio infamata, insigniter protuberat. Clunes pendulæ & amissæ, coxæ nudæ, coccyx caudæ instar exertus, crura, brachia, manus, pedes, ipsorum digiti, macra & veluti arida existunt; circa articulorum verò regionem, amissâ vicinâ carnē, magis adhuc protuberare videntur. Ungues item longiores sunt, & in summa corporis attenuatione interdum curvantur. Pili quoq; radicibus exsiccatis in consummatâ atrophîâ nonnunquam excidunt. Cutis flaccida, corrugata, fusca, aridaque existit, sub qua venæ latentes pene universo ambitu fiunt conspicuæ, lividæq; toto ductu apparent. Urina etiam rubicunda & oleosa conspectui offertur, pinguedine instar aranearum telæ supra innatante, unâ cum sedimento fæculento, ceu *Platerus in praxi sua Medica* perspicue satis docet.

TH. XX.
Interea cùm Atrophia à diversis producaturs causis, ad signa harum diagnostica pariter respiciendum erit Medico: quot enim sunt causæ, tot ferè observare licet signa. Si itaq; obstructions in venarum lactearum anfractibus hæreant, chylum ad corpus distribuendum intercipientes, alvus ut plurimum justo fluidior, & dejectiones chylosæ albicantes conspicientur. Si cædem penitiora Mesenterii & glandulas præsertim succi alibilis depurationi comparatas infederint, tunc duri, magniq;, & (malo in deterius jam dum ruente) scirrhusi tumores in Mesenterio excitantur, manifesti locorum præcipue affectorum indices. Si sanguis acidus nutrimentum de-

prava-

pravatum effecerit, id cognoscitur ex nimia sudatione, tussi, sitiq; ingenti. Quod si verò sanguis nimis sulphureus omne corporis etiam futurum devoraverit pabulum, hoc ex calore atque totius corporis siccitate patet. Phthisin, febrem hecticam, scorbutum, vel marasimum senilem, signa propria, à Practicis passim proposita, indicant. In pueris tandem dracunculos seu comedones adesse, manifestant præter visum inquietudines ac ejulationes.

TH. XXI.

Sequuntur signa Prognostica, morbi eventum, modum & tempus eventus manifestantia. Quod primi generis concernit signa prognostica, dicimus, mali hujus eventum valdè esse dubium; ita, ut nisi citò remediis obviam eidem eatur, omninò pro lethali habendum sit; licet alias pro diversitate subjecti vel causarum, aliud curabile, aliud incurabile esse censeatur.

TH. XXII.

Ratione quidem subjecti, infantes, cum habeant corpus & viscera teneriora, inde etiam debiliora, tabifico huic morbo minùs resistere valent, & majori cum periculo extenuantur, quàm illi, quibus fortiores sunt spiritus & robustiora cum corpore viscera. Ita in senibus propter deficientem caloris vitalis activitatem planè non vel difficulter atrophia sanari potest, cum pueris, juvenibus & in constitutis major salutis spes affulgeat. Facies Hippocratica si in quibus ad fuerit, doctâ plus valet arte malum. Ratione causarum verò pulmones exulcerati & corrupti non facile sanantur, partim ob substantiæ ténerritatem, partim ob continuum motum, omnem consolidationem impredientem.

TH. XXIII.

TH. XXIII.

Modum eventus quod concernit, notandum, quod si *ἀνωρεξία* superveniat atrophiae, pro malo haberi signo, praesertim ubi hypochondria elewantur; pro pessimo autem, si ventriculi *ἀνέψια* concurrerit. Deinpulsus debilis, & respiratio cum tussi vehementi ac inani, vitam periclitari testantur. Quod si verò ægri rursus ad pristinam integritatem redeant, fit aliquando, ut macilentum & flaccidi toto vitæ tempore permaneant, jamque senes, etsi ætatem illorum nondum attigerint, esse videantur.

TH. XXIV.

Quoad tempus eventus, cum atrophia morbus sit ut plurimum chronicus, non potest non paulatinum vel lentum sortiri eventum, nisi vel alius superveniens morbus, vel graviora concurrentia symptomata, vel extremum senium, aut vires jamdum penitus in morbido corpore prostratae & attritae, fatum repente accelerent.

TH. XXV.

Atque nunc perspectis hætenus propositi affectus nostri naturâ, traditisq; signis, proximum est, ut Curationem ipsam aggrediamur, certis ex methodo medendi petitis indicationibus superstructam, quarum tres præcipuas constituimus: I. Ut causæ futuræ procatarticae, assimilationem chyli in corpore impedituræ vel sublatæ, corrigantur & removeantur. II. Causa antecedens inhibeatur, & demum utrisq; sublatis. III. Causa proxima tollatur, chyliq; assimilatione in partibus corporis restauretur.

TH. XXVI.

Tribus autem hisce Indicationibus variorum remedium præscribendorum usu satisfiet, quæ ex triplici dicto

dicto fonte Diætetico, Pharmaceutico & Chirurgico petenda erunt.

TH. XXVII.

Et ex Chirurgico quidem fonte, ut κατ' ὕπερον πλείονος progrediamur, V.S. nobis occurrit, omnino maturè celebranda, si Medico certè constiterit, sanguinem abundare, acrimoniaque sua ac fervore, per particulas sulphureas nimis arcte agglomeratas inducto, corporis nutritionem destruere. Cujus rei exemplum Hippocrates Lib. 5. epid. c. 6. profert, atque virum quendam ex sanguinis copia emaciatum, omnibus aliis remediis incassum tentatis, solâ secta vena in utraq; manu, sanguineq; extracto, quousq; ex sanguis fere redderetur, perfectè restitutum esse asserit. Nec assueta alias intermittatur scarificatio; & si familiaris fuerit hæmorrhoidum fluxus, per hirudines admotas, interceptus revocetur.

TH. XXIII.

Ex Pharmaceutico fonte peti possunt ea, quæ materiam morbosam è corpore evacuant, ventriculumq; ac intestina à vitiosorum humorum saburra liberare possunt, quæ inter primo loco se sistunt vomitoria, nisi viscera ea ferre propter infirmitatem, aliorumque symptomatum graviorum metum, recusent. Si autem quæ locum habent, possunt esse sequentia: Tartarus Emet. ▽ bened. Ruland. Oxyfacch. emet. Θ Θli &c. Posthæc in usum quoq; erunt vocanda purgantia, primas vias blande evacuantia, fortiora enim nocent, dum nimis exsiccant, urunt, h.e., operantur per immoderatam præternaturalem nimiam colliquativam fermentationem, quæ ad dissolutionem fusionem & putredinem ducit ac disponit, sicut ἀνελκὼς declarat VIR Nobiliss.

Ampliss. Excellentiss. ac Experientissimus DN. JACOBUS

PANCRATIUS BRUNO, Phil. ac Med. D. hujusq. Prof. P. longè celeberrimus, Patronus ac Præceptor omni animi cultu devenerandus, de Remoris ac Impedimentis Purgationis pag. 18.

Formula tales esse poterint:

R. Fol. Senn. el. s. s. ʒß.

Zingib. ʒj.

Tart. commun.

Sem. anis. āā. ʒß.

Incis. & contus. infunde per noct. ad fictil. in f. q. ▽. cichor. & tarax. dein post unicam ebullitionem in vase clauso fortiter exprime,

Colat. R. ʒiiij.

Add. Syr. de cichor. cum Rhabarb. ʒß.

▽. cinamom. ʒij.

M. dr. ad vitr. Sgr.

Purgier-Träncklein.

Vel R. ▽. cichor.

cuscut. ʒiß.

Syr. Ros. solutiv. de Ambubeja ʒj.

Crem. tartari alcohol. ʒj.

Mag. gialapp. gr. iij.

Tartar. Glut. gr. iiij.

Trochisc. Alhandal. gr. j.

Eleosacch. cinamom. ʒj.

Mr. dr. ad vitr. Sgr. ut ante

TH. XXIX.

Quod si autem appetitus prorsus dejectus sit, adeò ut vix aliquid vel parcissime saltem atrophîa laborantes as-
sumant, concurrente extrema virium prostratione, injecti-
onem clysmatum sic dictorum nutrientium, ex lacte, jure
caponum, vitell. ovor. aliisq; concinnandorum, (qualia
etiam

etiam describit *Fr. Decker. in Exercit. Medicis Practicis circa Medendi methodum cap. VI. p. 390. & 391.*) commendant Medici, quæ ipsa tamen utrum nutritionem per se, verè talem & sensibilem, præstare possint, anceps hæreo.

TH. XXX.

Impuritatibus ita primarum viarum ablatis, feliciorem medicamentorum reliquorum operationem expectare licebit; hæc verò porro ad causarum morbificarum futurarum & præsentium correctionem & expugnationem dirigenda erunt. Quapropter ad præcavendam ulteriorem succi nutritii à balsamica sua indole in dyscrasiam acrem, vel lixiviam, vel acidam, vel falsam, vel falsomuriaticam degenerationem, apprimè convenient alterantia, acrimoniæ cuicunq; contraria, humectantia, dulcificantia, lympham succumq; nutritium laudabilem conciliantia: E. g. poterit seq. præscribi Apozema:

℞. *Hordei mundi,*
Rad. cichor.

graminis, āā. ʒj.

Herb. lactuc.

portulac.

endiv. āā. Mj.

Passul. corinthiac. ʒiʒ.

Sem. 4. frigid. major. āā. ʒʒ.

Incis. & contus. coq. in s. q. Aq. fontan.

Colat. ℞. ℥iʒ.

Add. Syr. violac. ʒj.

de alth. Fernel. ʒʒ.

Mr. dr. ad ficitil. Sgr.

Alterir - Trancē auf etliche mahl.

Vel propinentur ægro Emulsiones ex hordeo, amygdal. dulcibus, sem. 4. frigid. majoribus, sem. pap. alb. &c.

ante ingressum in lectum sumendæ, lacteum chylo analogum succum sanguini administrantes, mihi insigniter commendatæ à *Nobilissimo, Excellentissimo, ac Experientissimo* D^N. JOH. MAURICIO HOFFMANNO, *Phil. & Med. D. Anat. & Chem. Prof. Publ. celebratissimo, S. R. I. Academico Curioso, Facultatis Medicæ h. t. Decano spectatissimo, Domino Promotore, Patrono ac Præceptore meo æternum colendo, cùm privata ejusdem fidelissimaq; informatione, & ad Praxin manu-ductione uterer; Formulæ loco sequentem proponere lubet:*

Rx: Amygdali dulc. rec. decortic.

Hordei mundi ad crepatur. coct. āā. ʒß.

Sem. 4. frigid. major. āā. ʒß.

pap. alb. ʒij.

Cum f. q. Aq. hordei vel Cichor. vel Endiv.

F. l. a. Emuls. ad ʒviiij.

Add. Aq. Rosar. alb. ʒj.

cinam. fl. cordial.

Fulep. violac. āā. ʒß.

Ocul. ʒ. ppt. ʒj.

Antihect. Poter. ʒß.

Solut. margar. sicc. gr. vj.

Ms. dr. ad usum.

TH. XXXI.

Nec minus præsentis scopi inservient absorbentia alcalina, uti modo propositi ocul. ʒ. antihect. Poterii, conchæ, corallia, & diaphoreticum, quibus ad imitationem pulveris absorbentis *Excellentiss. D. D. Wedelii in Opiologia p. 114.* descripti, opium associare juvabit.

TH. XXXII.

Lac caprillum insuper esse poterit, vel asininum, vel vaccinum, aqua hordeata dilutum, poteruntq; talia anima-

animalia, si dispositio scorbutica simul adfuerit, plantis antiscorbuticis enutrir; similiter multum proderunt, ex consilio Cl. Charletoni in lib. de Scorbuto, juscula instaurantia ex cochlearum, limacum, testudinum, cancrorum, astacorumve fluviatilium carnibus, in aqua hordeata, donec ferè liquecant in gelatinam, decoctis, per se taceum transmissis, cumq; amygdalis dulcibus, pineis, sem. frigid. majoribus & saccharo albo cando, vel perlato conditis confecta, & aquis antiscorbuticis temperatioribus parum diluta.

TH. XXXIII.

Quod si propter chyli cruditatem & lentorem, obstructosq; chyli meatus atrophia suborta fuerit, fermentum ventriculi restaurandum erit, usu acidorum blandorum, uti \odot dulc. Elix. Vitrioli Mynsicht. Elix. propr. acidulat., vel aromaticorum temperatorum, uti Pulv. stomachic. Birckmann. August. cum Trag. aromatic. usitat. & acido Tartar. rubro; dein obstructions referendæ venient usu aperitivorum, quæ inter optima mihi h. l. videtur Tinct. Vitrioli \odot Zwelferi, ventriculo alias haud ingrata.

TH. XXXIV.

Porro noxam, quam evacuationes nimix per alvum, menses, sudorem, congressum &c. factæ, dederunt, juscula restaurantia & medicamenta cardiaca fixa emendabunt, atque ulteriorem præcavebunt.

TH. XXXV.

Ignis vero vitalis voracitas cohibebitur, tum per humectantia in TH. XXX. ante laudata, tum per lactea, aut nitrosa refrigerantia, tum per alcalina fixa cum primis saturnina, quò famosum antihecticum Poterii referendum est, ac deniq; per subacida, sulphur sanguinis ferociens ligantia.

TH. XXXVI.

Quod si atrophiam ex ulcere pulmonum enata fuerit, decocta præscribi debent ex detergentibus atque consolidantibus, quorum catalogus vid. in Macasii Promptuario Materia Medica p. m. 698.

TH. XXXVII.

In aridurâ, Æuum animalium interceptum influxum vel appropriationem denegatam, insequente, præter medicamenta nervina Æuosa volatilia intus usurpanda, externè frictiones asperæ adhibendæ erunt, una cum Topicis, in Thesi seq. XL. descriptis.

TH. XXXVIII.

Ceterum exterminium & interuersionem vermium respiciunt, ac simul mineram eorundem resolvunt & destruunt omnia putredini resistentia, amara & alcalina exsiccantia, ut C. C. ustum. flor. sulphur. Zedoar. elix. prop. Ol. colocynthid. Camphor. Æ C. C. essentific. ∇ tanacet. hyperic. Syr. de cichor. cum rhabarb. theriaca &c. Conducunt quoque omnia alexipharmaca, & activa alia Æna sulphurea, balsamica camphorata. Porro quoque omnia purgantia, imprimis cholagoga amara simul & acria, quæ interimunt animantium seminum & exturbant, vel vitæ eorundem sunt contraria; denique & mercurialia, pituitam & mucosam vermium hypostasim liquantia, maxime profunt.

TH. XXXIX.

Ad Crinones seu Comedones expellendos & enecandos faciunt ea omnia, quæ habet Cl. Etmiüllerus in Valetudinario suo infantili, ubi post tinct. ☿ ii balnei usum præservativè pariter ac curativè laudat; & balneum quidem ex aqua dulci parare jubet, cui parum mellis addatur; sic namque facilè vermiculi dulcedine allekti per poros cutis

tis capitibus suis prominent, qui deinde vel unguibus, vel cultro, vel novaculâ extrahi ac refecari queunt.

TH. XL.

Nec topica tandem medicamenta hîc sunt omittenda, hæc quippe dum obstructos poros referant, M. S. humectando ac edulcorando egregiè possunt corrigere; qualia sunt fatus & balnea ex herb. malv. alth. violar. fol. lactuc. tiliæ, gramin. virid. flor. rosar. nymph. &c. Magni momenti sunt itidem unguenta & linimenta in progressu morbi adhibita cum oleosis, aliisque penetrantibus permista; uti sunt Ol. petrol. laurin. nymph. rosar. violar. pingued. human. tax. medull. crur. vitul. &c. E. g.

Rx. *Pingued. taxi,*

humana. āā. ʒij.

Ol. laurin.

Juniper. āā. ʒj.

Medull. crur. vitul. ʒiij.

His ad \triangle . liquefactis

Adde Pulv. sem. urtic.

sabin.

O. plum. āā. ʒij.

Mr. dr. Sgr.

Salben / wohl einzureiben.

Inter Emplastra laudem merentur ea, quæ ex speciebus fragrantibus & cephalicis parata gestantur, ut empl. de betonic. Balf. apoplect. Unguent. alabastr. &c.

TH. XLI.

Reliquum est, ut ex fonte diætetico victus & vivendi regimen brevissimis monstremus: 1. Aër purus sit atq; temperatus, non putridus, nec nimis calidus & siccus, sed ad humiditatem magis inclinet. 2. Cibi præbeantur

tur

tur facilis concoctionis & bonæ digestionis; fugiantur contra faliti, viscosi, & qui obstructionibus ansam dare queunt; commendatur hinc caro vitulina, capreolorum, gallinarum, perdicum, caponum, indeq; parata juscula. 3. Potus emaciatos cum apprime reficiat, cerevisiæ pingues ac temperatæ, magisq; refrigerantes exhiberi, aut loco horum decoct. hord. cum C. C. & Rad. Scorzon., aut Apozema suprâ descriptum substitui poterint. A vino verò acido & austero abstineat æger, quòd si tamen vino asvetus fuerit, illud sit generosum, modiceq; assumatur; ventriculum enim roborat ac corpus auget. 4. Somnus & vigiliæ medium teneant, nec curis & meditationibus assiduis us animales dissipentur & nimis absumantur; humores verò è contravitosi in corpore generentur. 5. Motus & quies quoq; moderate sese habeant, ne humores in corpore nimium agitentur. 6. Excreta & retenta intra naturæ limites detineantur. Alvus interea semper aperta servetur, si reluctetur, lenientibus officii sui admoneatur. 7. Animi pathemata sanguinem fundentia & agitantia aut acriorem efficientia, uti ira, moeror assiduus &c. angue pejus & cane vitentur.

*S. S. TRIADI SIT GLORIA
IN ÆTERNUM.*

